

Abolir total u mo parzialmain la taglia d'ierta

La regenza pren posiziun tar ina incumbensa parlamentara da deputà Rudolf Kunz

DA MARTIN CABALZAR

■ **Il deputà liberaldemocrat Rudolf Kunz (Cuira), sustegnì da 69 collegas, vules abolir cumplain la taglia chantunala sin ierta. La regenza è bain pronta d'acceptar l'incumbensa, dentant en ina furma alternativa pli moderada. Ella vules engreviar iertas lateralas cun in pe reduci.** Sa referend al fatg che la populaziun grischuna ha refusà cun 76 pertschient cler l'iniziativa per «pajar taglias sin iertas da milliuns per finanziar la AVS», constatescha deputà *Rudolf Kunz* (pld Cuira) che la taglia sin ierta saja «ina taglia malvesida» tar la populaziun. Quai pervi dal fatg ch'il stadi haja gia incassà regularmain taglias sin quest substrat fiscal sut il titul da la taglia sin facultad. En il Grischun èn ertavels en lingua directa (geniturs ed uffants), conjugals sco partenaris da concubinat betg sutta mess pli a la taglia chantunala d'ierta. Sin la facultad che va a fra-gliuns, a nevs e nezzas ed a figliols e fi-gliolas u a terzas persunas vegn dentant incassada ina taglia da 10 pertschient.

D'ina aboliziun totala da la taglia chantunala d'ierta s'empermettan Kunz e ses sutsignaders in creschament persistent da l'attractivitat d'abitare en il Grischun per persunas senza descendenza directa. Betg pertutgadas da questa proposta fiss tenor Rudolf Kunz la cumpetenza da las vischnancas d'incassar vinavant atgnas taglias d'ierta communalas, Differentas vischnancas sco Arosa, Maiavilla, Silvaplana, Malans, Brusio, Soazza e Sufers hajan gia abolì la taglia sin ierta sin almain fin al tschep dals geniturs. Per il chantun muntassia l'aboliziun da la taglia chantunala d'ierta ina sperdita da radund 13 milliuns.



Il deputà liberaldemocrat Rudolf Kunz, sustegnì da 69 consignants vul abolir la taglia chantunala d'ierta.

FOTO M. HARTMANN

Betg in votum cunter la taglia chantunala d'ierta

La regenza conferma che il suveran grischun haja refusà la refurma da la taglia sin ierta cun ina maioritad impressiuanta. Tenor avis da la regenza n'è quai dentant betg d'interpretar sco in votum cunter la taglia chantunala sin ierta, ma bain ina clera refusa da spustar la suveranità fiscal dal chantun e da las vischnancas a la confederaziun. Plinavant haja il suveran era vulì impedir ina taglia fitg auta sin ierta per ils descendents, ina reduziun da la grevezza fiscal da per per-

tunala sin l'ierta crudass, stuessen las vischnancas eruir sezzas la facultad d'ierta.

Il chantun perdess 11 fin 15 milliuns

Tar l'aboliziun totala da la taglia sin ierta perdess il chantun mintga onn entradas fiscalas da 11 fin 15 milliuns. Ils signaders da l'incumbensa s'empermettan qua tras ina meglieraziun dal Grischun sco lieu d'abitare. Quai chaschunia dapli domiciliaziuns, cunzunt da proprietaris d'abitaziuns secundaras. Uschia vegnissan las sperditas da taglia probabel gia cumpensadas, argumenteschan ils incumbensaders. Per la regenza è ina tala supposiziun fitg pauc probabla.

Gia libers a la taglia sin ierta

Sco la regenza accentuescha sto vegnir resguardà che conjugals e partenaris registrats, uffants, biadis e sutbiadis sco era partenaris da concubinat èn gia oz deliberadas da la taglia sin ierta. Da l'aboliziun da taglia pretendida profitassian pia ils geniturs, ils fargliuns, ils nevs e las nezzas, ils augs e las ondas, il cusrens ed ils parents pli dalunsch sco era persunas betg parentas. Tenor la regenza saja quai pauc probabel che la tschertga da domicil d'ina pajataglia bainstanta vegnia influenzada fermamein da l'aboliziun da taglia sin ierta, sche unicamain parents pli dalunsch profitaessen da tala suenter l'atgna mort. Vitiers vegnia che las vischnancas possian incassar era vinavant ina taglia sin la part d'iera da fin 5 pertschient per ils tschep dals geniturs (geniturs, fargliuns, neve e nezzas etc.). Betg midadas vegnan expressivamain las leschas davart las taglias communalas e davart las taglias da baselgia. La sperdita fiscal resultonta da 11 fin 15 milliuns na pudessia betg vegnir cumpensada tras in nov substrat fiscal. En vista al minus d'entradas che resulta da

la refurma da l'imposiziun da taglia a las interpresas II I na possia il chantun actualmain betg sa prestar questas sperditas da taglia, di la ministra da finanzas *Barbara Janom Steiner*.

Furma alternativa pli moderada

Tenor avis da la regenza vegnia l'aboliziun pretendida da la taglia sin ierta strusch a purtar novas domiciliaziuns en il Grischun, clera saja dentant ina fitg gronda sperdita tar las entradas da taglia. Usche propona la regenza da betg approvar l'incumbensa cun quest cuntegn. La regenza fiss dentant pronta d'acceptar l'incumbensa en ina furma alternativa pli moderada. Il chantun midass ad ina taglia sin ina part da l'ierta nua ch'ils geniturs fissan liberads da la taglia sin ierta, nua ch'il tschep dals geniturs (fargliuns, nevs e nezzas euv. fiss sutta mess ad ina taxaziun reducida da maximalmain 5 pertschient e nua ch'igl existiss er vinavant ina grevezza fiscal d'almain 10 pertschient per ils ulteriurs ertavels.

Quai avessia era per consequenza che las taglias chantunalas e communalas sin iertas e sin donaziuns vegnissan regladas definitivamain e quai tant per il chantun sco per las vischnancas. Las vischnancas pudessian uschia era vinavant decider sezzas, sch'ellas vulesse incassar ina taglia sin iertas e sin donaziuns, sco er fixar la tariffas da taglia en il rom dils maximums ch'èn normads en las leschas da taglias communalas e da baselgia, argumentescha la regenza.

Tenor igl incumbensader Rudolf Kunz è questa midada da sistem gista. Ensemen cun ils consignants vul Kunz decider definitivamein schebain el vul insister sin ina liberaziun totala ni sch'ins vul la finala tuttina acceptar la varianta moderada da cumpromiss da la regenza.